

myt allen rechten nūcczen gnissen unde fryheyt, alz ich sy unde myne pharre czu Grime gehabit habin, unde vorczy mich der myd guthen willen eweklich von myn unde myner pharre weyn. — Gegebin — drycczen hundirt in dem nu[n]czigisten iare an sinten Gregorius tage dez heyligen babistes.

375.

5

Nicolaus Czynneman von Torgau urkundet, daß er von dem Kloster Nimbschen die Pfarre zu Höfgen mit bestimmten Nutzungen auf drei Jahre erhalten und dafür die Zahlung von 16 Schock Groschen auf diese Zeit und die Tragung sonstiger, den Pfarrern überhaupt zustehender Leistungen versprochen habe.

1390.

Hdschr.: Or. Perg. Hauptstaatsarchiv Dresden No. 4744. Das S. an Pergamentstreifen.

Gedr.: Neue Beyträge von alten und neuen theolog. Sachen 1758, 631 f. Husche Magazin 7, 455 f.

Ann.: Vergl. No. 371.

10

Ich Nicolaus Czynneman von Torgow bekenne —, daz myr dy erbare unde geistliche frauwe vrauwe Hippa eptischynne unde dy gancze sampnunge czu Nempezen dy pharre czu dem Höfchen usgetan habin unde gelazin habin dorch sundirlicher vrunt- 15 schaft wille von sente Michahelis tage obir dry iar, dy nēst czukunfftig sint, mit czwen hūfen landis, cyne wese czuvor Forstchen mit puschholeze also vil, alz ich des vorbornen unde vorczūnen mag, mit dryen maldirn korns unde 1½ maldir hafern, mit czynsen, dy doczu [ge]horen, mit cyme werder, der gelegin ist kegin dem klōstir, unde mit allem opfir; unde dovon sal ich der vorgenanten eptischynne unde sampnunge in den vor- 20 genanten dryen iarn xvi schog groschen gebin gutir groschen czu einre pension —, io 1½ schog unde x^{a)} groschen uf sente Walpurgis tage und uf sente Michaelis tag 1½ schog unde x groschen, unde ouch sal dovon alle recht bischofen prelatin unde wen sich daz gebort, also andire phfarre tūn in dem bischtūm czu Misen. Ouch sal ich iii scheffil korns gebin alle iar deme hertin in dem dorfe von myme vie czu hutene. Ouch ist ge- 25 reid unde getedinget, wy ich dy phfarre vinde an dem ackere unde an sait, also sal ich dy wedir uflazen noch den drien iaren, ab ich nicht doby lengir blybe. Ouch gelobe ich in gutin truwin, daz ich von der vorbenanten phfarre noch von dem clostire noch von den gebūrn ichkeyns me vordern wil noch sy nicht vordir[n] an rechtin, denne also vor geschrebin stēt. Wer is ouch, daz ichceyn gebrōch worde czwuschin myr unde den gebūrn, 30 daz got nicht enwolle, daz sal ich mich kegin der eptischyn irclagen unde den heren unde andirswo nicht, dy sullin myr doczu rechtis helfin. Daz alle vorgeschrebin rede wār sy, daz ist Nikil Groswig unde Nicklaus Czynneman, burgere czu Torgow, borge. Gegebin undir unsim ingesegil anno domini m^occc^o nonagesimo.

375. a) Vor x ist czo durch Ausstreichen getilgt.